

周禮

冊三

周禮卷十二

職大夫輔其吏與其漢大司農北海鄭

玄註

三季限大出好其就明後學東吳葛蕭訂

司徒教官之職

鄉大夫之職各掌其鄉之政教禁令

鄭司農云萬二千五百家為鄉

正月之吉受教灋于司徒退而頒之于其鄉吏使各以教其所治以攷其德行察其道藝

其鄉吏州長以下孟反

以歲時登其夫家之衆寡辨其可任者國中自七尺

以及六十野自六尺以及六十有五皆征之其舍者國中貴者賢者能者服公事者老者疾者皆舍以歲時入其書

登成也定也國中城郭中也晚賦稅而早免之以其所居復多役少野早賦稅而晚免之以其復少

役多鄭司農云征之者給公上事也舍者謂有復除舍不收役事也貴者謂若今宗室及關內侯皆

復也服公事者謂若今廢不可事者復八十九十復羨卒也疾者謂若今廢不可事者復

之玄謂入其書者言於大司徒○復音福下同

三年則大比攷其德行道藝而興賢者能者鄉老及鄉大夫帥其吏與其衆寡以禮禮賓之

風賢者有德行者能者有道藝者衆寡謂鄉人之善者無多少也鄭司農云興賢者謂若今舉孝廉興

能者謂若今舉茂才賓敬也。敬所舉賢者能者。玄謂變舉言興者謂合衆而尊寵之。以鄉飲酒之禮。

禮而賓之。

厥明鄉老及鄉大夫羣吏獻賢能之書于王。王再拜受之。登于天府。內史貳之。

厥其也。其賓之明日也。獻猶進也。王拜受之。重得賢者。王上其書于天府。天府掌祖廟之寶藏者。內

史副寫其書者。當詔王爵祿之時。○上其時掌反。藏才浪反。

退而以鄉射之禮。五物詢衆庶。一曰和。二曰容。三曰主皮。四曰和容。五曰興舞。

以用也。行鄉射之禮。而以五物詢于衆民。鄭司農云。詢謀也。問于衆庶。寧復有賢能者。和謂閨門之

內行也。容謂容貌也。主皮謂善射。射所以觀士也。故書舞爲無杜子春讀和容爲和頌。謂能爲樂也。

也無讀為舞謂能為六舞玄謂和載六德容包六行
皮射之無侯也主皮和容與舞則六藝之射與禮
樂與當射之時民必觀焉因詢之也孔子射于矍
相之圃蓋觀者如堵牆射至于司馬使子路執弓
矢出誓射者又使公罔之裘序點揚觶而語詢衆
庶反矍俱縛反相息亮反觶支歧反食

此謂使民興賢出使長之使民興能入使治之

言是乃所謂使民自舉賢者因出之而使治之
教以德行道藝於外也使民自舉能者因入之而
使之治民之貢賦田役之事於內也言為政以順
民為本也書曰天聰明自我民聰明天明威自我
為心如是則古今未有遺民而可為治

歲終則令六鄉之吏皆會政致事

會計也致事言其歲盡文書

正歲令羣吏攷灋于司徒以退。各憲之于其所治之國。

大詢于衆庶。則各帥其鄉之衆寡而致于朝。

大詢者。詢國危。詢國遷。詢立君。鄭司農云。大詢于衆庶。洪範所謂謀及庶民。

國有大故。則令民各守其閭。以待政令。

使民皆聚於閭。胥所治處。

以旌節輔令。則達之。

民雖以徵令行。其將之者無節。則不得通。

州長各掌其州之教治政令之灋。

鄭司農云。二千五百家為州。論語曰。雖州里行乎哉。春秋傳曰。鄉取一人焉。以歸。謂之夏州。

正月之吉。各屬其州之民而讀灋。以攷其德行道藝而勸之。以糾其過惡而戒之。

屬猶合也。聚也。因聚衆而勸戒之者。欲其善也。○屬音燭。

若以歲時祭祀州社。則屬其民而讀灋。亦如之。春秋以禮會民。而射于州序。

因序。州黨之學也。會民而射。所以正其志也。射儀曰。射之為言。繹也。繹者。各繹己之志也。

凡州之大祭祀。大喪。皆涖其事。

大。大祭祀。謂州社稷也。大喪。鄉老鄉大夫。于是卒者也。涖。臨也。

若國作民而師田。行役之事。則帥而致之。掌其戒令。

與其賞罰。

致之致之于司徒也掌其戒令賞罰則是於軍因爲師帥

歲終則會其州之政令正歲則讀教灋如初

雖以正月讀之至正歲猶復讀之因此四時之正重申之

三年大比則大攷州里以贊鄉大夫廢興

廢興所廢退所興進也鄭司農云贊助也

黨正各掌其黨之政令教治

鄭司農云五百家爲黨論語曰孔子于鄉黨又曰闕黨童子

及四時之孟月吉日則屬民而讀邦灋以糾戒之

以四孟之月朔日讀灋者彌親民者於教亦彌數○數所角反

春秋祭禘亦如之

祭謂雩祭水旱之神蓋亦為壇
位如祭社稷云○祭榮敬反

國索鬼神而祭祀。則以禮屬民而飲酒于序。以正齒位。一命齒于鄉里。再命齒于父族。三命而不齒。

國索鬼神而祭祀謂歲十二月大蜡之時建亥之月也。正齒位者鄉飲酒義所謂六十者坐五十者

立侍六十者三豆七十者四豆八十者五豆九十者六豆是也。必正之者為民三時務農將闕於禮

至此農隙而教之尊長養老見孝悌之道也。黨正飲酒禮亡以此事屬於鄉飲酒之義微失少矣。凡正

射飲酒此鄉民雖為鄉大夫不必來觀禮鄉飲酒鄉射記大夫樂作不入士既旅不入是也。齒于鄉里

者以年與之相次異姓雖有老者居于其上不齒賓

者以年與之相次異姓雖有老者居于其上不齒賓
詐反依字作措為于偽反蜡仕

凡其黨之祭祀喪紀昏冠飲酒教其禮事掌其戒禁

其黨之民。○
冠古亂反。

凡作民而師。田行役。則以其灋治其政事。

亦於軍。因為旅帥。

歲終。則會其黨。政帥其吏而致事。

正歲。屬民讀灋。而書其德行道藝。

書記之。

以歲時涖校比。

涖臨也。鄭司農云。校比。族師職。所謂以時屬民而校。登其族之夫家。衆寡。辨其貴賤。老幼。廢疾。可任。

者。及其小畜車。輦。如今小案比。

及大比亦如之。

族師各掌其族之戒令政事。

政事邦政之事鄭司農云百家為族

月吉則屬民而讀邦灋書其孝弟睦婣有學者。

月吉每月朔日也故書上句或無事字杜子春云當為正月吉書亦或為戒令政事月吉則屬民而

讀邦灋

春秋祭酺亦如之。

酺者為人物裁害之神也故書酺或為步杜子春云當為酺玄謂校人職又有冬祭馬步則未知此

世所云族長無飲酒之禮因祭酺而與其民以長

幼相獻酬焉○酺音步校戶教反

以邦比之灋帥四閭之吏以時屬民而按登其族之

夫家衆寡辨其貴賤老幼廢疾可任者及其六畜車輦。

登成也定也。

五家爲比。十家爲聯。五人爲伍。十人爲聯。四閭爲族。八閭爲聯。使之相保相受。刑罰慶賞相及相共。以受邦職。以役國事。以相葬埋。

相共猶相救相賙。

若作民而師。田行役則合其卒伍。簡其兵器。以鼓鐸旗物帥而至。掌其治令戒禁刑罰。

亦於軍。因爲卒長。

歲終則會政致事。

閭胥各掌其閭之徵令。

鄭司農云二
十五家為閭

以歲時各數其閭之衆寡辨其施舍。凡春秋之祭祀
役政喪紀之數聚衆庶既比則讀灋書其敬敏任恤
者。

祭祀謂州社黨禋族酺也。役田役也。政若州射黨
飲酒也。喪紀大喪之事也。四者及比皆會聚衆民

因以讀灋以勅戒之。故書既為暨。杜子春讀政
為征暨為既。○數色主反政役如字。杜音征。

凡事掌其比。釡撻罰之事。

釡撻者失禮之罰也。釡用酒其爵兕角為之。撻扑
也。故書或言釡撻之罰事。杜子春云當言釡撻罰

之事。○饋古橫反。扑普卜反。

比長各掌其比之治。五家相受。相和親。有臯奇裘則相及。

亦裘猶惡也。○臯本亦作罪。裘似嗟反。

徙于國中及郊。則從而授之。

徙謂不便其居也。或國中。之民出徙郊。或郊民入徙國中。皆從而付所處之吏。明無罪惡。

若徙于他。則爲之旌節而行之。

徙于他。謂出居異鄉也。授之者。有節乃達。

若無授無節。則唯圜土內之。

鄉中無授。出鄉無節。過所則呵問繫之。圜土考辟之也。圜土者。獄城也。獄必圜者。規主仁。以仁心求。

其情古之治獄閱于出之

封人掌設王之社壇為畿封而樹之

壇謂壇及瘠埒也畿上有封若今時界矣不言稷者稷社之細也

凡封國設其社稷之壇封其四疆

封國建諸侯立其國之封

造都邑之封域者亦如之

令社稷之職

將祭之時令諸有職事於社稷者也郊特牲曰唯為社事單出里唯為社田國人畢作唯為社丘乘

共粢盛所以報本反始也為于偽反下同單音丹乘繩證反

凡祭祀飾其牛牲設其楅衡置其絃共其水橐

飾謂刷治潔清之也。鄭司農云：福衡所以維與古持牛也。綯著牛鼻繩所以牽牛者。今時謂之維，與古持牛

不得抵觸人。夕牲謂也。杜子春云：福衡設于鼻，所以持牛。令

水稟給殺時洗薦牲也。綯字當以牙為聲。○福音福。綯本又作紉，持忍反。稟古老反。著直略反。令福音

呈反。撥音加。牙直抵反。

歌舞牲及毛炮之豚。

謂君率牲入時隨歌舞之言。其肥香以畝神也。毛炮豚者，爛去其毛而炮之，以備八珍。鄭司農云：封

人主歌舞其牲云。博碩肥膾。○炮薄交反。膾似鹽反。去起呂反。膾徒忍反。

凡喪紀賓客軍旅大盟則飾其牛牲。

大盟會同之盟。

鼓人掌教六鼓四金之音聲，以節聲樂，以和軍旅。以

正田役。

音和者五聲

教爲鼓而辨其聲用。

教爲鼓教擊鼓者大別小之數又別其聲所用之事。○大別彼列反。

以雷鼓鼓神祀。

雷鼓祀八面鼓也。神祀祀天神也。

以靈鼓鼓社祭。

靈鼓六面鼓也。社祭祭地祇也。

以路鼓鼓鬼享。

路鼓四面鼓也。鬼享享宗廟也。

以鼗鼓鼓軍事。

大鼓謂之鼗。鼗鼓長八尺。○鼗扶云反。

以鼙鼓鼓役事。

鼙鼓長丈二尺。○鼙音羔。

以晉鼓鼓金奏。

晉鼓長六尺六寸。金奏謂樂作擊編鍾。

以金鐃和鼓。

鐃于也。圓如碓頭。大上小下。樂作鳴之。與鼓相和。○鐃音淳。碓音對。

以金鐃節鼓。

鐃也。形如小鍾。軍行鳴之。以爲鼓節。司馬職曰：軍行鳴鐃。○鐃音征。

以金鑊止鼓。

鑊如鈴無舌有秉執而鳴之以止擊鼓司馬職曰鳴鑊且卻○鑊女交反卻起略反

以金鐸通鼓。

鐸大鈴也振之以通鼓司馬職曰司馬振鐸○鈴音零

凡祭祀百物之神鼓兵舞帟舞者。

兵謂干戚也帟列五采繒為之有秉皆舞者所執○帟音佛劉音弗

凡軍旅夜鼓鼙。

鼙夜戒守鼓也司馬鼙曰昏鼓四通為大鼙夜半三通為晨戒旦明五通為發响○鼙干歷反响本

又作响亦作煦休具反

軍動則鼓其衆。

行動旦行

田役亦如之。

救日月則詔王鼓。

救日月食王必親擊鼓者聲大異春秋傳曰非日月之眚不鼓

大喪則詔大僕鼓。

始崩及窆時也

舞師掌教兵舞帥而舞山川之祭祀教帔舞帥而舞

社稷之祭祀教羽舞帥而舞四方之祭祀教皇舞帥

而舞旱暵之事。

羽析白羽為之形如帔也四方之祭祀謂四望也旱暵之事謂雩也暵熱氣也鄭司農云皇舞蒙羽

舞書或爲聖或爲義玄謂皇折五采
羽爲之亦如帔○嘆呼但反聖音皇

凡野舞則皆教之

野舞謂野人
欲學舞者

凡小祭祀則不興舞

小祭祀王玄冕所
祭者興猶作也

周禮卷十二

周禮卷十三

漢大司農北海鄭 玄註

明 後學東吳金 蟠訂

司徒教官之職

〔牧人〕掌牧六牲而阜蕃其物以共祭祀之牲牲

大牲謂牛馬羊豕犬雞鄭司農云牲純也玄謂牲體完具○牲音全

凡陽祀用騂牲毛之陰祀用黝牲毛之望祀各以其方之色牲毛之

騂牲色赤毛之取純毛也陰祀祭地北郊及社稷也望祀五嶽四鎮四瀆也鄭司農云陽祀春夏也

黝讀為幽幽黑也玄謂陽祀祭天於南郊及宗廟○黝于糾反

凡時祀之牲必用牲物。

時祀四時所常祀謂山川以下至四方百物

凡外祭毀事用龙可也。

外祭謂表貉及王行所過山川用事者故書毀為龍作虺杜子春云龍當為毀虺當為龍龍謂雜

色不純毀謂副辜候禳毀除殃谷之屬○龍亡江反貉莫霸反龍丘例反副並逼反辜音孤禳如羊

反

凡祭祀共其犧牲以授充人繫之。

犧牲毛羽完具也授充人者當殊養之周景王時賓起見雄雞自斷其尾曰雞憚其為犧

凡牲不繫者共奉之。

謂非時而祭祀者

〔牛人〕掌養國之公牛以待國之政令。

公猶官也。

凡祭祀共其享牛求牛以授職人而芻之。

鄭司農云享牛前祭一日之牛也求牛禱於鬼神祈求福之牛也玄謂享獻也獻神之牛謂所以祭

者也求終也終事之牛謂所以繹者也宗廟有繫者孝子求神非一處職讀為櫛櫛謂之杙可以繫

牛櫛人者謂牧人充人與芻牲之芻牛人擇於公牛之中而以授養之○職之式反注櫛同杙餘式

反

凡賓客之事共其牢禮積膳之牛。

牢禮殮饗也積所以給賓客之用若司儀職曰主國五積者也膳所以問禮賓客若掌客云殷膳太

牢○積子賜反殮音孫

豐 卷十三 司馬教官之職 一 中華書局影印

饗食賓射。共其膳羞之牛。

羞進也。所進賓之膳。燕禮小臣請執冪者。與羞膳者。至獻賓而膳宰設折俎。王之膳羞亦猶此。○食冪音嗣。下文同。冪民狄反。

軍事。共其犒牛。

鄭司農云。犒師之牛。○犒苦報反。

喪事。共其奠牛。

謂殷奠遣奠也。喪所薦饋曰奠。

凡會同軍旅行役。共其兵車之牛。與其牽傍。以載公

任器。

牽傍。在轅外。輓牛也。人御之。居其前曰牽。居其旁曰傍。任。猶用也。○傍薄浪反。

凡祭祀共其牛牲之互。與其益簠以待事。

田鄭司農云互謂楅衡之屬益簠皆祭名益所以盛血簠受肉籠也玄謂互若今屠家縣肉格○互劉

音護徐音牙簠音
棄盛音成縣音玄

〔充人〕掌繫祭祀之牲牲祀五帝則繫于牢芻之三月。

牢閑也必有閑者防禽獸觸齧養牛羊曰芻三月一時節氣成

享先王亦如之。

凡散祭祀之牲繫于國門使養之。

散祭祀謂司中司命山川之屬國門謂城門司門之官鄭司農云使養之使守門者養之○散素但

反

展牲則告牲。

鄭司農云。展。具也。具。牲也。若今時。選牲也。充。人主以牲。牲。告。展。牲。者。也。玄。謂。展。牲。若。今。夕。牲。也。特。牲。饋。

食之禮曰宗人視牲告充舉獸尾告備近之。

碩牲則贊。

贊助也。君率牲入。將致之。助持之也。春秋傳曰。故奉牲以告曰博碩肥腍。

地官司徒下

載師掌任土之灋。以物地事授地職。而待其政令。

任土者。任其力勢所能生育。且以制貢賦也。物。物色之。以知其所宜之事。而授農牧。衡虞使職之。

以廛里任國中之地。以場圃任園地。以宅田土田賈田。任近郊之地。以官田牛田賞田牧田。任遠郊之地。以公邑之田。任甸地。以家邑之田。任稍地。以小都之

田任縣地以大都之田任置地

故書麇麇或作壇郊或為蒿稍或作削鄭司農云禮讀為麇麇市中空地未有肆城中空地未有宅者

民宅曰宅宅田者以備益多也士田者士大夫之子得而耕之田也賈田者吏為縣官賣財與之田

官田者公家之所耕田牛田者牧六畜之以養公家之牛賞田者賞賜之田牧田者牧六畜之田司馬法曰王

國五百里為郊二百里為州三百里為野四百里為縣五百里為都杜子春云蒿讀為郊五十里為近

郊百里為遠郊玄謂麇里者若今云邑里居矣麇民居之區域也里居也圃樹果蔬之屬季秋於中

為場樊圃謂之園宅田致仕者之家所受田也士相見禮曰宅者在邦則曰市井之臣在野則曰草

茅之臣士讀為仕仕者亦受田所謂圭田也孟子曰自卿以下必有圭田圭田五十畝賈田在市賈

人其家所受田也官庶人在官者其家所受田也牛田牧田畜牧者之家所受田也公邑謂六遂

餘地天子使大夫治之自此以外皆然二百里三百里其于大夫如州長四百里五百里其下大夫

如縣正是以或謂二百里為州四百里為縣云遂

人亦監焉家邑大夫之采地小都之采地大都

公之采地王子弟所食邑也置五百里王畿界也

皆言任者地之形實不方平如圖受田邑者遠近

不得盡如制其所生賦貢取正於是爾以塵里

任國中而遂入職授民田夫一塵田百晦是塵里

不謂九百萬夫居在都城者與凡王畿內方千里積

百同九百萬夫居在都城者與凡王畿內方千里積

郭宮室涂巷三分去一餘六百萬夫又以田不易

一易再易上中下相通定受田者三百萬家也遠

郊之內地居四同三十大萬夫之地也三分去一

其餘二十四萬夫六鄉之民七萬五千家通不易

萬一易再易一家受二夫則十五萬夫之地其餘九

萬夫塵里也場圃也宅田也士田也賈田也官田

也牛田也賞田也牧田也九者亦通受一夫焉則

半農人也定受田十二萬家也食貨志云農民戶

一人已受田其家眾男為餘夫亦以口受田如此

士工商家受田五口乃當農夫一人今餘夫在遂

地之中如此則士工商以事入在官而餘夫以力

出耕公邑甸稍縣都合居九十六同八百六十四

萬夫之地。城郭宮室，差少。涂巷又狹，于三分所去六而存一焉。以十八分之十三，率之，則其餘六百

二十四萬八千八百八十萬家也。其在甸，十萬五千夫，定受田二百萬八千八百八十萬家也。

六遂，餘則公邑。○場直良反，賈音古，註同。置居良反，吏為于偽反。蒞力果反，州長丁丈反。後皆同。監

呂古，銜反。麓音鹿，涂音徒，去起。呂反，下同。率音律，又音類。

凡任地。國宅無征，園廛二十而一，近郊十一，遠郊二

十而三，甸稍縣都皆無過十二。唯其漆林之征二十

而五。

征，稅也。以言征者，以共國政也。鄭司農云：任地，謂任土地，以起稅賦也。國宅，城中宅也。無征，無稅也。故

書漆林為漆林，杜子春云：當為漆林。玄謂國宅，凡官所有宮室，吏所治者也。周稅輕近而重遠，近者

多役也。園廛，亦輕之者。廛，無穀園少利也。漆，古多役也。園廛，亦輕之者。廛，無穀園少利也。漆，古

凡宅不毛者有里布。凡田不耕者出屋粟。凡民無職事者出夫家之征。

鄭司農云宅不毛者謂不樹桑麻也。里布者布參印書廣二寸長二尺以爲幣。貿易物詩云抱布貿

絲抱此布也。或曰布泉也。春秋傳曰買之百兩一布又塵人職掌斂市之次布儻布質布罰布塵布

孟子曰塵曰無夫里之布則天下之民皆說而願爲其民矣。故曰宅不毛者有里布。民無職事出夫家

之征。欲令宅樹桑麻。民就四業。則無稅賦。以勸之也。故孟子曰五畝之宅樹之以桑。則五十者可以

衣帛。不知言布參印書者何。見舊時說也。玄謂宅不毛者。罰以一里二十五家之泉。空田者。罰以三

家之稅粟。以其吉凶二服及喪器也。民雖有闕無職事者。猶出夫稅家稅也。夫稅者百畝之稅。家稅

者。出士徒車輦給繇役。○儻音讒說音悅。令力呈反。衣於既反。闕音閑。

以時徵其賦。

閭師掌國中及四郊之人民六畜之數以任其力以待其政令以時徵其賦。

國中及四郊是所主數六鄉之中自廛里至遠郊也掌六畜數者農事之本也賦謂九賦及九貢

凡任民任農以耕事貢九穀任圃以樹事貢草木任工以飭材事貢器物任商以市事貢貨賄任牧以畜事貢鳥獸任嬪以女事貢布帛任衡以山事貢其物任虞以澤事貢其物。

貢草木謂葵韭果蔬之屬。畜許大反。

凡無職者出夫布。

獨言無職者。掌其九賦。

凡庶民不畜者祭無牲。不耕者祭無盛。不樹者無禘。不蠶者不帛。不績者不衰。

掌罰其家事也。盛黍稷也。禘周棺也。不帛不得衣帛也。不衰喪不得衣衰也。皆所以恥不勉。○衰七

反回

縣師掌邦國都鄙稍甸郊里之地域。而辨其夫家人民田萊之數。及其六畜車輦之稽。三年大比。則以攷羣吏。而以詔廢置。

郊里。郊所居也。自邦國以及四郊之內。是所主數。周天下也。萊。休不耕者。郊內謂之易。郊外謂之萊。

善言近。○此毗志反。

若將有軍旅。會同田役之戒。則受灋于司馬。以作其

衆庶及馬牛車輦會其車人之卒伍使皆備旗鼓兵器以帥而至。

受灋於司馬者知所當徵衆寡。

凡造都邑量其地辨其物而制其域。

里物謂地所有也名山大澤不以封。○量音良。

以歲時徵野之賦貢。

野謂甸稍縣都也。所徵賦貢與閭師同。

遺人掌邦之委積以待施惠鄉里之委積以恤民之

難阨門關之委積以養老孤郊里之委積以待賓客

野鄙之委積以待羈旅縣都之委積以待凶荒

委積者廩入倉人計九穀之數足國用以其餘共

之所謂餘法用也職內邦之移用亦如此也皆以

餘財共之少曰委多曰積鄉里鄉所居也難阨猶

困乏也門關以養老孤人所出入易以取饋廩也

故書難阨作權阨難作寄杜子春云權阨當給者也

阨寄當為難○遺唯季反施惠式

歧反易以歧反權音難又音謹

凡賓客會同師役掌其道路之委積凡國野之道十

里有廬廬有飲食三十里有宿宿有路室路室有委

五十里有市市有候館候館有積

廬若今野候徙有房也宿可止宿若今亭有室矣

候館樓可以觀望者也一市之間有三廬一宿○

凡委積之事巡而比之以時頒之

房音

凡有客會同師役掌其道路之委積凡國野之賦十
里者不置有飲食三十里者宿衛有路室路室有委
五十里者宿衛有供餼候館有積

周幣券十三

凡有客會同師役掌其道路之委積凡國野之賦十
里者不置有飲食三十里者宿衛有路室路室有委
五十里者宿衛有供餼候館有積

凡委積之事通而處之以待旅之

周禮卷十四

漢大司農北海鄭 立註

明 後學東吳葛 鼎訂

三平 司徒教官之職

均人掌均地政均地守均地職均人民牛馬車輦之

力政。

政讀為征。地征謂地守地職之稅也。地守衡虞之屬。地職農圃之屬。力征人民則治城郭涂巷溝渠。

凶牛馬車輦則轉委積之屬。○政音征。下同。

凡均力政以歲上下。豐年則公旬用三日焉。中年則公旬用二日焉。無年則公旬用一日焉。

豐年人食四鬴之歲也。人食三鬴為中歲。人食二鬴為無歲。歲無贏儲也。公事也。旬均也。讀如營營。

原隰之營易坤為均。今書亦有作旬者。○上時掌反。鬴亡甫反。營音均。又音旬。

凶札則無力政。無財賦。

無力政。恤其勞也。無財賦。恤其乏困也。財賦九賦也。

不收地守地職。不均地政。

不收山澤及地稅。亦不平計地稅也。非凶札之歲。當收稅。乃均之耳。

三年大比。則大均。

有年無年。大平計之。若久不修。則數或闕。

師氏掌以燉詔王。

告王以善道也。文王世子曰。師也者。教之以事而諭諸德者也。○燉音美。

以三德教國子。一曰至德以爲道本。二曰敏德以爲
行本。三曰孝德以知逆惡。教三行。一曰孝行以親父
母。二曰友行以尊賢良。三曰順行以事師長。

德行內外之稱。在心爲德。施之爲行。至德中和之
德。覆燾持載。含容者也。孔子曰：中庸之爲德。其至

矣乎。敏德仁義順時者也。說命曰：敬孫務時。敏厥
修。乃來。孝德尊祖愛親。守其所以生者也。孔子曰：

武王周公。其達孝矣乎。夫孝者。善繼人。之志。善述
人。之事者也。孝在三德之下。三行之上。德有廣於

孝。而行莫尊焉。國子公卿大夫之子弟。師氏教之。
而世子亦齒焉。學君臣父子長幼之道。○行下孟

反下及注同。知音。智。燾。徒。報。反說音悅。孫音遜。夫音扶。

居虎門之左。司王朝。

虎門。路寢門也。王日視朝於路寢門外。畫虎焉。以
明勇猛於守宜也。司猶察也。察王之視朝。若有善

道可行者則當前以詔
王○朝直遙反下皆同

掌國中失之事以教國子弟

教之者使識舊事也○中禮者也○失禮者也○故
書中為得杜子春云當為得記君得失若春秋是

也○中丁
仲反注同

凡國之貴遊子弟學焉

貴遊子弟王公之子弟遊無官司者
杜子春云遊當為猶言雖貴猶學

凡祭祀賓客會同喪紀軍旅王舉則從

母舉猶行也故書舉為與杜子春云當為與與謂
王與會同喪紀之事○從才用反與音預

聽治亦如之

外謂王舉於野
以聽朝

使其屬帥四夷之隸各以其兵服守王之門外且蹕

兵服旃布弓劍不同也門外中門之外蹕止行人不得迫王宮也故書隸或作肆鄭司農云讀為隸

音蹕

朝在野外則守內列

內列蕃營之在內者也其屬亦帥四夷之隸守之如守王宮

保氏掌諫王惡

諫者以禮義正之文王世子曰保也者慎其身以輔翼之而歸諸道者也

而養國子以道乃教之六藝一曰五禮二曰六樂三曰五射四曰五馭五曰六書六曰九數乃教之六儀一曰祭祀之容二曰賓客之容三曰朝廷之容四曰

喪紀之容。五曰軍旅之容。六曰車馬之容。七曰容四曰

養國子以道者以師氏之德行審諭之而後教之

以藝儀也。五禮吉凶賓軍嘉也。六樂雲門大咸大

韶大夏大濩大武也。鄭司農云。五射白矢參連剡

注。襄尺并儀也。五馭鳴和鸞。逐水曲過君表舞交

衢。逐禽左。六書象形。會意。轉注。處事。假借。諧聲也。

九數。方田。粟米。差分。少廣。商功。均輸。方程。贏不足。

旁要。今有重差。夕桀。句股也。祭祀之容。濟濟。踳踳。喪紀之

賓客之容。嚴恪矜莊。朝廷之容。濟濟。踳踳。喪紀之

容。涕涕。翔翔。軍旅之容。齊齊。闕闕。仰仰。車馬之容。穆穆。皇

堂。堂。玄。謂祭祀之客。齊齊。皇皇。賓客之容。穆穆。皇

皇。朝廷之容。濟濟。翔翔。喪紀之容。纍纍。顛顛。軍旅

之容。暨暨。諮諮。車馬之容。匪匪。翼翼。剡羊。甚反。

襄音讓。本作讓。重直龍反。夕桀音的。沈祥易反。此

二字非鄭注。濟子禮反。踳七良反。闕呼檻反。仰本

又作仰。五剛反。纍顛上律。長中。闕。反。五。人

悲反。下音田。諮五格反。律。長中。闕。反。五。人

凡祭祀賓客會同喪紀軍旅王舉則從聽治亦如之。

使其屬守王闈

闈宮中之巷門

司諫掌糾萬民之德而勸之朋友正其行而強之道

藝巡問而觀察之以時書其德行道藝辨其能而可

任於國事者

朋友相切磋以善道也強猶勸也學記曰強而弗抑則易巡問行問民間也可任於國事任吏職○

強其丈反易以岐反

以攷鄉里之治以詔廢置以行赦宥

因巡問勸強萬民而考鄉里吏民罪過以告王所當罪不○行下孟反

司救掌萬民之表惡過失而誅讓之以禮防禁而救

之。

亦由褒惡謂侮慢長老語言無忌而未麗於罪者過失也。
麗於罪者誅誅責也古者重刑且責怒之未即罪也。
呼報反。

凡民之有褒惡者三讓而罰三罰而士加明刑。恥諸嘉石。役諸司空。

罰謂撻擊之也。加明刑者去其冠飾而書其褒惡之狀著之背也。嘉石朝士所掌在外朝之門左。使坐焉以恥辱之。既而役諸司空使事官作之也。坐役之數存於司寇。○去起呂反。著直略反。

其有過失者三讓而罰三罰而歸於圜土。

圜土獄城也。過失近罪書日任之以事而收之夜藏於獄亦加明刑以恥之。不使坐嘉石其罪已著。

未忍刑之

凡歲時有天患民病則以節巡國中及郊野而以王

命施惠

天患謂灾害也節旌節也施惠調恤之

調人掌司萬民之難而諧和之

難相與為仇讎諧猶調也

凡過而殺傷人者以民成之

過無本意也成平也鄭司農云以民成之謂立證佐成其罪也一說以鄉里之民共和解之春秋傳

曰惠伯成之之屬

鳥獸亦如之

過失殺傷人之畜
產者。○畜許又反

凡和難。父之讎。辟諸海外。兄弟之讎。辟諸千里之外。
從父兄弟之讎。不同國。君之讎。眡父師長之讎。眡兄
弟主友之讎。眡從父兄弟。

和之使辟於此不得就而仇之。九夷八蠻六戎五
狄謂之四海主。大夫君也。春秋傳曰。晉荀偃卒而

視不可舍。宣子盥而撫之曰。事吳敢不
如事主。○辟音避。從才用反。眡音視。

弗辟。則與之瑞節。而以執之。

瑞節。玉節之剡圭也。和之而不肯辟者。是不
從王命也。王以剡圭使調人執之。治其罪。

凡殺人有反殺者。使邦國交讎之。

反。復也。復殺之者。此欲除害弱敵也。邦國交讎之
明。不和諸侯得者。即誅之。鄭司農云。有反殺者。謂

重殺也

凡殺人而義者不同國令勿讎讎之則死

義宜也謂父母兄弟師長嘗辱焉而殺之者如是為得其宜雖所殺者人之父兄不得讎也使之不

同國而已

凡有鬪怒者成之不可成者則書之先動者誅之

鬪怒辨訟者也不可成謂不可平也書之記其姓名辨本也鄭司農云成之謂和之也和之猶今二姓千

石以令解仇怨後復相報移徙之此其類也玄謂上言立證佐成其罪似非

媒氏掌萬民之判

判半也得耦為合鄭司農云主萬民之判合喪服傳曰夫妻判合鄭司農云主萬民之判合

凡男女自成名以上皆書年月日名焉

鄭司農云成之謂子生三月父名之

令男三十而娶女二十而嫁

二三者天地相承覆之數也易曰參天兩地而奇數焉○奇本或作倚音同

凡娶判妻入子者皆書之

書之者以別未成昏禮者鄭司農云入子者謂嫁女者也玄謂言入子者容媵姪娣不聘之者

中春之月令會男女

中春陰陽交以成昏禮順天時也

於是時也奔者不禁

重天時權許之也

若無故而不用令者罰之

無故謂無喪禍之變也。有喪禍者，娶得用非仲春之月。雜記曰：己雖小功，既卒哭，可以冠。子娶妻，○

冠古喚反

司男女之無夫家者而會之。

司猶察也。無夫家謂男女之鰥寡者。

凡嫁子娶妻入幣純帛無過五兩。

純實緇字也。古緇以才為聲。納幣用緇，婦人陰也。凡於娶禮必用其類。五兩十端也。必言兩者，欲得其配合之名。十者，象五行十日相成也。士大夫乃以玄纁，束帛。天子加以穀圭，諸侯加以大璋。雜記曰：納幣一束，束五兩，兩五尋。然則每端二丈。○純側其反。

禁遷葬者與嫁殤者。

遷葬謂生時非夫婦死既葬，遷之使相從也。殤，十歲以下未嫁而死者。生不以禮相接，死而合之。是

亦謂亂人倫者也。鄭司農云：嫁殤者，謂嫁死人也。今時娶會是也。

凡男女之陰訟聽之于勝國之社。其附于刑者歸之

于士。

陰訟爭中冓之事以觸法者勝國亡國也。亡國之社奄其上而棧其下使無所通就之以聽陰訟之情明不當宣露其罪不在赦宥者直歸士而刑之不復以聽士司寇之屬詩云牆有茨不可掃也中冓之言不可道也所可道也言之醜也。○冓古侯反棧士板反茨疾私反。

同市掌市之治教政刑量度禁令。

量豆區斗斛之屬度丈尺也。○區鳥侯反。

以次敘分地而經市。

次謂吏所治舍思次介次也。若今市亭然敘肆行列也。經界也。○行戶剛反。

以陳肆辨物而平市。

陳肆猶列也。辨物物異。肆也。肆異則市平。

陳肆猶列也。辨物物異。肆也。肆異則市平。

以政令禁物靡而均市。

主陳市陳執而市商賈主

物靡者易售而無用。禁之則市均。鄭又貴音世。司農云靡謂侈靡也。○易以歧反。而買文尺無貴。

以商賈阜貨而行布。

通物曰商。居賣物曰賈。阜猶盛也。鄭司農云布謂泉也。○賈音古。

以量度成賈而徵儷。

徵召也。儷賈也。物有定賈則買者來也。○成賈音嫁。注下不音者皆同儷。劉音育。

以質劑結信而止訟。

質劑謂兩書一札而別之也。若今下手書言保物要還矣。鄭司農云質劑月平。○劑于隨反。平皮命。

反

以賈民禁偽而除詐。

賈民胥師賈師之屬必以賈民為之者知物之情偽與實詐○賈民音嫁

以刑罰禁競而去盜。

刑罰憲徇扑○競薄報反去起呂反扑普卜反

以泉府同貨而斂賒。

同共也同者謂民貨不售則為斂而買之民無貨則賒贖而予之○賒傷蛇反為于偽反贖音世

大市日昃而市。百族為主。朝市朝時而市。商賈為主。

夕市夕時而市。販夫販婦為主。

日昃映中也。市雜聚之處。言主者謂其多者也。百族必容來去。商賈家於市。城販夫販婦朝資夕賣。

司因其便而分爲三時之市所以了物極衆鄭
農云百族百姓也○廛音側本又作長

凡市入則胥執鞭度守門市之羣吏平肆展成奠賈

上旌于思次以令市市師涖焉而聽大治大訟胥師

賈師涖于介次而聽小治小訟

凡市入謂三時之市市者入也胥守門察偽詐也
必執鞭度以威正人衆也度謂及也因刻丈尺耳

羣吏胥師以下也平肆平賣物者之行列使之正
也展之言整也成平也會平成市物者也奠讀爲

奠定整勅會者使定物賈防誑豫也上旌者以爲衆
望也見旌則知當市也思次若今市亭也市師司

市也介次市亭之屬別小者也故書涖作立杜子
春云奠當爲定鄭司農云思辭也次市中候樓也

立當爲涖涖視也玄謂思當爲司字聲
之誤也○奠音定上時掌反及音殊

凡萬民之期于市者辟布者量度者刑戮者各於其

地之敘。

丈期謂欲賣買期決于市也。量度者若今處斗斛及
尺也。故書辟為辭。鄭司農云辭布辭訟泉物者

也。玄謂辟布市之羣吏
者實諸泉入及有遺忘

凡得貨賄六畜者亦如之三日而舉之。

得遺物者亦使置其地貨於貨之肆馬於馬之肆
則主求之易也三日而無識認者舉之沒入官

凡治市之貨賄六畜珍異亡者使有利者使阜害者

使亡靡者使微。

有利於民謂物實厚者害於民謂物行苦者使
有使阜起其賈以徵之也。使亡使微抑其賈以卻

之也。後靡細好使富民好奢微使之而已。鄭司農云
亡者使有無此物則開利其道使之有。○苦音古

好呼
報反

凡通貨賄以璽節出入之。

璽節印章如今斗檢封矣使人執之以通商以出貨賄者王之司市也。以內貨賄者邦國之司市也。

國凶荒札喪則市無征而作布。

有災害物貴市不稅為民乏困也。金銅無凶年因物貴大鑄泉以饒民。

凡市偽飾之禁在民者十有二。在商者十有二。在賈

者十有二。在工者十有二。

鄭司農云所以俱十有二者工不得作賈不得粥商不得資民不得畜玄謂王制曰用器不中度不

粥於市兵車不中度不粥於市。布帛精麤不中數幅廣狹不中量不粥於市。姦色亂正色不粥於市。

五穀不時果實未熟不粥於市。木不中伐不粥於市。禽獸魚鼈不中殺不粥於市。亦其類也。於四

注入則未聞數十二焉。○賈音古。同粥音育中丁仲反下同。

市刑小刑憲罰中刑徇罰大刑扑罰其附于刑者歸于士。

徇舉以示其地之衆也。扑撻也。鄭司農云憲罰播其肆也。故書附爲附。杜子春云當爲附。○附方符

反

國君過市則刑人赦。夫人過市罰一幕。世子過市罰

一帑。命夫過市罰一蓋。命婦過市罰一帷。

謂諸侯及夫人世子之所過其國之市大夫內子過其都之市也。市者人之所交利而行刑之處。君子無

故不遊觀焉。若遊觀則施惠以爲說也。國君則赦其刑人。夫人世子命夫命婦則使之出罰異尊卑

也。所罰謂憲狗扑也。必罰幕帑蓋帷市者衆也。此四物者在衆之用也。此王國之市而說國君以下

過市者諸侯之於其國與王同以其足以互明之。○幕劉音莫帑音亦觀古亂反下同。

凡會同師役。市司帥賈師而從。治其市政。掌其賣儻之事。

市司。司市也。儻。買也。會同師役。必有市者。大衆所在。來物以備之。

周禮卷十四

開卷第十

諸葛孔明

文

大會同臨

周禮卷十五

漢大司農北海鄭玄註

明後學東吳金蟠訂

司徒教官之職

質人掌成市之貨賄。人民牛馬兵器珍異。

成平也。會者平物賈而來。主成其平也。人民奴婢也。珍異四時食物。

凡賣儻者質劑焉。大市以質。小市以劑。

鄭司農云。質劑。月平賈也。質大賈。劑小賈。玄謂質劑者。為之券藏之也。大市。人民馬牛之屬。用長券。

小市。兵器珍異之物。用短券。長如字。

掌稽市之書契。同其度量。壹其淳制。巡而攷之。犯禁

者舉而罰之。

稽猶考也。治也。書契取予市物之券也。其券之象書兩札刻其側。杜子春云：淳當為純。純謂幅廣制。

謂匹長也。皆當中度量。玄謂淳讀如淳尸。劉章純反。淳其淳音准長直亮反。中丁仲反。淳尸。劉章純反。

凡治質劑者國中一旬。郊二旬。野三旬。都三月。邦國

朞。期內聽。期外不聽。

謂齋券契者來訟也。以期內來則治之。後期則不治。所以絕民之好訟也。且息文書也。郊遠郊也。野旬

稍也。都小都大都。

廛人掌斂市紵布。總布。質布。罰布。廛布。而入于泉府。

布泉也。鄭司農云：紵布列肆之稅也。玄謂總讀如租。總當為儻。謂無肆立持者之稅也。玄謂總讀如租。總

之。穗。穗布謂守斗斛銓衡者之稅也。質布者質人之所罰。犯質劑者之泉也。罰布者犯市令者之泉。

也。塵布者，貨賄諸物邸舍之稅。○紘音次，儻音諸，穠音舍。

凡屠者斂其皮角筋骨入于玉府。

以當稅。給作器物也。其無皮角及筋骨不中用亦稅之。

凡珍異之有滯者斂而入于膳府。

故書滯或作塵。鄭司農云：謂滯貨不售者，官為居之。貨物沈滯於塵中不決，民待其直以給喪疾而

不可售賈賤者也。塵謂市中之地，未有肆而不可居。以畜藏貨物者也。孟子曰：市塵而不征，法而不可居。

則天下之商皆說而願藏於其市矣。謂貨物儲藏於市中而不租稅也。故曰塵而不征，其有貨物儲藏

滯於塵而不售者，官以法為居取之。故曰法而不售。塵玄謂滯讀如沉，滯之滯珍異四時食物也。不售

而在塵久則將瘦臞腐敗為買之入膳。夫之府所以紓民事而官不失實。○官為于僞反。膳下同。畜勅

六反說音悅。諸又反。呂反本或作貯。瘦本又作瘦。所又反。臞其俱反。

胥師各掌其次之政令而平其貨賄憲刑禁焉

憲表縣之
○縣音玄

察其詐偽飾行僨慝者而誅罰之

鄭司農云僨買也慝惡也謂行且賣姦偽惡物者
玄謂飾行僨慝謂使人行賣惡物於市巧飾之令

欺誑買者○行下
孟反令力呈反

聽其小治小訟而斷之

○斷丁
亂反

賈師各掌其次之貨賄之治辨其物而均平之展其

成而奠其賈然後令市

辨別
也

凡天患禁貴儻者使有恆賈。

恆常也。謂若儲米穀棺木而睹久雨疫
病者貴賣之。因天災害阨民使之重困。

四時之珍異亦如之。

薦宗廟
之物。

凡國之賣儻各帥其屬而嗣掌其月。

儻買也。故書賣為買。鄭司農云。謂官有所斥令賣
賈。師帥其屬而更相代直月為官賣之。均勞逸。○

為官于
偽反。

凡師役會同亦如之。

司虓掌憲市之禁令。禁其鬪蹶者。與其虓亂者。出入

相陵犯者。以屬遊飲食于市者。

躡謹也。鄭司農云。以屬遊飲食。羣飲食者。○躡五羔反。謹音歡。

若不可禁。則搏而戮之。

同稽掌巡市而察其犯禁者。與其不物者而搏之。

不物衣服視古不與衆同。及所操物不如品式。

掌執市之盜賊以徇。且刑之。

圜各掌其所治之政。執鞭度而巡其前。掌其坐作出

入之禁令。襲其不正者。

作起也。坐起禁令。當市而不得空守之屬。故書襲為習。杜子春云。當為襲。謂掩捕其不正者。

凡有罪者。撻戮而罰之。

出罰之使。

肆長各掌其肆之政令。陳其貨賄。名相近者相遠也。實相近者相爾也。而平正之。

爾亦近也。俱是物也。使惡者遠。善者自相近。鄭司農云。謂若珠玉之屬。俱名爲珠。俱名爲玉。而賈或百萬。或數萬。恐農夫愚民見欺。故別異。令相遠。使賈人不得雜亂以欺人。

斂其總布。掌其戒禁。

杜子春云。總當爲儻。

泉府掌以市之征布。斂市之不售貨之滯於民用者。以其賈買之。物揭而書之。以待不時而買者。買者各從其抵。都鄙從其主。國人郊人從其有司。然後予之。

故書滯爲痺。杜子春云。痺當爲滯。鄭司農云。物揭而書之。物物爲揃。書書其賈。揭著其物也。不時買。

者謂急求者也。抵故賈也。主者別治大夫也。然後子之爲封符信。然後予之。玄謂抵實抵字。抵本也。

本謂所屬吏主有司是也。○揭音竭。瘳音旦。揃音牋。著直略反。

凡賧者祭祀無過旬日。喪紀無過三月。

鄭司農云。賧。賈也。以祭祀喪紀。故從官賈買物。

凡民之貸者。與其有司辨而授之。以國服爲之息。

有司。其所屬吏也。與之。別其貸民之物。定其賈。以與之。鄭司農云。貸者。謂從官借本賈也。故有息使。

民弗利。以其所賈之國所出爲息也。假令其國出絲絮。則以絲絮償其國。出絲葛。則以絲葛償。玄謂。

以國服爲之息。以其於國服事之稅爲息也。於國事受國廩之田。而貸萬泉者。則暮出息五百。王莽。

時民貸以治產業者。但計贏所得受息。無過歲什一。○本賈音嫁。所賈音古。

凡國事之財用。取具焉。歲終則會其出入。而納其餘。

會計也。納入也。入餘於職幣。

司門掌授管鍵以啓閉國門。

鄭司農云。鍵讀爲蹇。管謂籥也。鍵謂牡。○鍵其展反。

幾出入不物者。正其貨賄。凡財物犯禁者舉之。

不物。衣服視瞻不與衆同。及所操物不如品式者。正讀爲征。征稅也。犯禁謂商所不資者。舉之。沒入官。

以其財養死政之老與其孤。

財所謂門關之委積也。死政之老。死國事者之父母也。孤。其子。

祭祀之牛牲繫焉。監門養之。

監門。門徒。○監古銜反。

凡歲時之門受其餘。

鄭司農云受祭門之餘

凡四方之賓客造焉則以告。

造猶至也告告於王而止客以俟逆

司關掌國貨之節以聯門市。

貨節謂商本所發司市之璽節也自外來者則案其節而書其貨之多少通之國門國門通之司市自內出者司市為之璽節通之國門國門通之關門參相聯以檢猾商○猾音滑

司貨賄之出入者掌其治禁與其征塵。

征塵者貨賄之稅與所止邸舍也關下亦有邸客舍其出布如市之塵

凡貨不出於關者舉其貨罰其人。

不出於關謂從私道出辟稅者
則沒其財而撻其人○辟音避

凡所達貨賄者則以節傳出之

商或取貨於民間無璽節者至關關為之璽節及
傳出之其有璽節亦為之傳傳如今移過所文書

注○傳張戀反
下皆同

國凶札則無關門之征猶幾

鄭司農云凶謂凶年饑荒也札謂疾疫死亡之征者
人謂死為札春秋傳曰札瘥夭昏無關門之征者

出入關門無租稅猶幾謂無租稅猶苛察不得令
出入出入孟子曰關幾而不征則天下之行旅皆

說而願出於其塗○
瘥才何反說音悅

凡四方之賓客敏關則為之告

謂朝聘者也敏關猶謁關人也鄭司農說以國語
曰周之秩官有之曰敵國賓至關尹以告行理以

節逆之。○敏音叩。爲于僞反。朝直遙反。

有外內之送令。則以節傳出內之。

有送令謂奉貢獻及文書以常事往來環人之職所送迎通賓客來至關則爲之節與傳以通之

掌節。掌守邦節而辨其用以輔王命。

邦節者珍圭牙璋穀圭琥圭琬圭琰圭也。王有命則別其節之用以授使者輔王命者執以行爲信。○別

彼列反使所吏反

守邦國者用玉節。守都鄙者用角節。

謂諸侯於其國中。公卿大夫王子弟於其采邑。有命者亦自有節以輔之。玉節之制如王爲之以命

數爲小大角用犀角其制未聞

凡邦國之使節。山國用虎節。土國用人節。澤國用龍

節皆金也。以英蕩輔之。

使節使卿大夫聘於天子諸侯行道所執之信也。土平地也。山多虎平地多人澤多龍以金爲節鑄。

象焉必自以其國所多者於以相別爲信明也。今漢有銅虎符杜子春云蕩當爲帑謂以函器盛此。

節或曰英蕩畫函。帑吐黨反盛音成。

節。門關用符節。貨賄用璽節。道路用旌節。皆有期以反。

門關司門司關也。貨賄者主通貨賄之官謂司市也。道路者主治五涂之官謂鄉遂大夫也。凡民遠。

出至於邦國邦國之民若來入由門者司門爲之節。由關者司關爲之節。其商則司市爲之節。其以。

徵令及家徒則鄉遂大夫爲之節。唯時事而行。不出關不用節也。變司市言貨賄者璽節主以通貨。

賄貨賄非必由市或資於民家焉。變鄉遂言道路者容公邑及小都大都之吏皆主治五涂亦有民。

也符節者如今宮中諸官詔符也。璽節者今之印章也。旌節今使者所擁節是也。將送者執此節以送行者皆所以道里日時課如今郵行有程矣。以防容姦擅有所通也。凡節有法式藏於掌節。○郵音尤。

凡通達於天下者必有節以傳輔之。

必有節言遠行無有不得節而出者也。輔之以傳者節為信耳。傳說所齎操及所適。

無節者有幾則不達。

圖之內土

遂人掌邦之野。

郊外曰野此野為甸稍縣都野

以土地之圖經田野造縣鄙形體之法五家為鄰五

鄰爲里。四里爲鄩。五鄩爲鄙。五鄙爲縣。五縣爲遂。皆有地域。溝樹之使。各掌其政。令刑禁。以歲時稽其人。民而授之田野。簡其兵器。教之稼穡。

經形體皆爲制分界也。鄰里鄩鄙縣遂猶郊內比閭族黨州鄉也。鄭司農云。田野之居。其比伍之名。

與國中異制。故五家爲鄰。玄謂異其名者。示相變耳。遂之軍法。追胥起徒役。如六鄉。○鄩作管。反比。

毗志反

凡治野以下劑。致叕以田里。安叕以樂昏。擾叕以土宜。教叕稼穡。以興勑。利叕以時器。勸叕以彊予。任叕以土均。平政。

變民言叕。異外內也。叕猶懵懵。無知貌也。致猶會也。民雖受上田中田下田。及會之。以下劑爲率。謂

可任者家二人樂昏勸其昏姻如媒氏會男女也

擾順也時器鑄作耒耜錢鎛之屬疆予謂民有餘

力復予之田若餘夫然政讀為征土均掌均平其
稅鄭大夫讀耒為藉杜子春讀耒為助謂起民人

令相佐助○毗亡耕反疆其良反
惜莫耕反率音律又音類鎛音博

辨其野之土上地中地下地以頒田里上地夫一廛

田百晦萊五十晦餘夫亦如之中地夫一廛田百晦

萊百晦餘夫亦如之下地夫一廛田百晦萊二百晦

餘夫亦如之

萊謂休不耕者鄭司農云戶計一夫一婦而賦之
田其一戶有數口者餘夫亦受此田也廛居也楊

孟子雲有田五廛謂百晦之居也玄謂廛城邑之居
孟子所云五廛之宅樹之以桑麻者也六遂之民
可受一廛雖上地猶有萊皆所以饒遠也王莽時
城郭中宅不樹者為不毛出三夫之布○令力呈

反晦音敵萊音
來奇居宜反

凡治野。夫間有遂。遂上有徑。十夫有溝。溝上有畛。百夫有洫。洫上有涂。千夫有澮。澮上有道。萬夫有川。川上有路。以達于畿。

十夫二鄰之田。百夫一鄣之田。千夫二鄙之田。萬夫四縣之田。遂溝洫澮皆所以通水於川也。遂廣

深各二尺。溝倍之。洫倍溝。溝廣二尋。深二仞。徑畛。涂道路皆所以通車徒於國都也。徑容牛馬。畛容

大車。涂容乘車一軌。道容二軌。路容三軌。都之野。涂與環涂同可也。萬夫者方三十里。少半里九

而方一。同以南畝圖之。則遂從溝橫。洫從澮橫。九澮而川。周其外焉。去山陵林麓川澤。溝瀆城郭宮

室涂巷三分之制。其餘如此。以至於畿。則中雖有都鄙。遂入盡主其地。○洫况域反。澮古外反。乘繩

證反。從子容反。去起呂反。

周禮卷十五 司土教言之職 九一中華書局影

以歲時登其夫家之衆寡及其六畜車輦辦其老幼廢疾與其施舍者以頒職作事以令貢賦以令師田以起政役

登成也猶定也夫家猶言男女也施讀為弛職謂民九職也分其農牧衡虞之職使民為其事也載

師職云以物地事授地職互言矣貢九貢也賦九賦也政役出土徒役○施式氏反政音征

若起野役則令各帥其所治之民而至以遂之大旗致之其不用命者誅之

夫役謂師田若有功作也遂之大旗熊虎

凡國祭祀共野牲令野職

共野牲入於牧人以待事也野職薪炭之屬

凡賓客令修野道而委積。

委積於廬宿市。

大喪帥六遂之役而致之。掌其政令。及葬帥而屬六綽及窆陳役。

致役致於司徒給墓上事及窆也。綽舉棺索也。葬舉棺者謂載與說時也。用綽旁六執之者天子其

千人與陳役者主陳列之耳。匠師帥監之。鄉師以斧涖焉。大喪之正棺殯啓朝及引六鄉役之載及

窆。六遂役之亦即還相終始也。鄭司農云窆謂下棺時遂入主陳役也。禮記謂之封。春秋謂之塋。皆

葬下棺也。聲相似。屬音獨。綽音弗。窆昌絹反。與說始銳反。朝直遙反。之封彼驗反。塋補鄧反。

凡事致野役。而師田作野民。帥而至。掌其政治禁令。

遂師各掌其遂之政令。戒禁以時。登其夫家之衆寡。

六畜車輦。辯其旅舍。與其可任者。經牧其田野。辨其可食者。周知其數。而任之。以徵財。征作役事。則聽其治訟。

施讀亦弛也。經牧。制田界與井也。可食。謂今年所當耕者也。財。征賦稅之事。

巡其稼穡。而移用其民。以救其時事。

移用其民。使轉相助。救時急事也。四時耕耨。斂艾芟地之宜。晚早不同。而有天期。地澤風雨之急。○艾

刈艾音

凡國祭祀。審其警戒。共其野牲。

審亦聽也。

入野職。野賦于玉府。

民所入貨賄以當九職
九賦中玉府之用者

賓客則巡其道脩庀其委積

巡其道脩行治道路也故書庀為比鄭司農云此
讀為庀庀具也○庀又作比匹爾反行下孟反

大喪使帥其屬以幄帟先道野役及窆抱磨共丘籠
及蜃車之役

使以幄帟先者大宰也其餘司徒也幄帟先所以
為葬窆之間先張神坐也道野役帥以至墓也邱

籠之役窆復土也其器曰籠蜃車柩路也柩路載
柳四輪迫地而行有似於蜃因取名焉行至壙乃

說更復載以龍韉蜃禮記或作搏或作輕役謂執
縛者鄭司農云抱磨磨下車也玄謂磨者適歷執

縛者名也遂人主陳之而遂師以名行校之○磨
音歷龍力董反乃說如銳反或吐活反韉勅倫反

搏市專反輕市
專反適音的

軍旅田獵平野民掌其禁令比敘其事而賞罰

平謂正其行列部伍也
鄭司農云比讀為庇

遂大夫各掌其遂之政令以歲時稽其夫家之衆寡
六畜田野辨其可任者與其可施舍者以教稼穡以
稽功事掌其政令戒禁聽其治訟

施讀亦為弛功事九職
之事民所以為功業

令為邑者歲終則會政致事

不言其遂之吏而言為邑者容公邑及卿大夫
王子弟之采邑政令戒禁遂大夫亦施焉

正歲簡稼器修稼政

簡猶閱也稼器耒耜鋤基之屬稼政孟春之月令
所云皆修封疆審端徑術善相邱陵阪險原隰上

地所宜五穀所殖以教道民必躬親之。○術音遂相息亮反道音導

三歲大比則帥其吏而興。眊明其有功者屬其地治者。

與眊舉民賢者能者如六鄉之為也。興猶舉也。屬猶聚也。又因舉吏治有功者而聚勅其餘以職事。

○比毗志反屬音燭

凡為邑者以四達戒其功事而誅賞廢興之。

四達者治民之事大通者有四。夫家衆寡也。六畜車輦也。稼穡耕耨也。旗鼓兵革也。

縣正各掌其縣之政令徵比以頒田里以分職事掌

其治訟趨其稼事而賞罰之。

徵徵召也。比案比。○趨本又作趣音定。

若將用野民。師田行役。移執事。則帥而至。治其政令。

移執事。移用其民。鄭司農云。謂轉相佐助。

既役。則稽功會事。而誅賞。

圖師各掌其鄙之政令祭祀。

祭祀祭禋也。祭音詠。

凡作民。則掌其戒令。

作民。謂起役也。

以時數其衆庶。而察其媿惡。而誅賞。

時。四時也。媿。音美。

歲終。則會其鄙之政。而致事。

鄼長各掌其鄼之政令。以時校登其夫家。比其衆寡。以治其喪紀祭祀之事。

校猶數也。

若作其民而用之。則以旗鼓兵革帥而至。若歲時簡器與有司數之。

簡器簡稼器也。兵器亦存焉。有司遂大夫。

凡歲時之戒令皆聽之。趨其耕耨。稽其女功。

聽之。受而行之也。女功。絲枲之事。

里宰掌比其邑之衆寡。與其六畜兵器。治其政令。

邑猶里也。

珍微宋版印

以歲時合耦于耜。以治稼穡。趨其耕耨。行其秩敘。以待有司之政令。而徵斂其財賦。

考工記曰。耜廣五寸。二耜為耦。此言兩人相助。耦而耕也。鄭司農云。耜讀為藉。杜子春云。耜讀為助。

謂相佐助也。玄謂耨者。里宰治處也。若今街彈之室。於此合耦。使相佐助。因放而為名。季冬之月令。

命農師計耦耕事。修耒耜。具田器。是其歲時與合人耦。則牛耦亦可知也。秩敘。受耦相佐助之次第。

往○放方反

鄰長 掌相糾相受

相糾相舉察

凡邑中之政相贊

長短使相補助

徙于他邑。則從而授之。

從猶隨也。
授猶付也。

周禮卷十五

風雲卷十五

...

...

周禮卷十六

漢大司農北海鄭

玄註

明後學東吳葛

彛訂

司徒教官之職

旅師掌聚野之勦粟屋粟閒粟

野謂遠郊之外也勦粟民相助作一井之中所出
九夫之稅粟也屋粟民有田不耕所罰三夫之稅
粟閒粟閒民無職事者所出一夫之征粟

而用之以質劑致民平頒其興積施其惠散其利而
均其政令

而讀為若聲之誤也若用之謂恤民之艱阨委積
於野如遺人於鄉里也以質劑致民案入稅者名

會而貸之興積所興之積謂三者之粟也平頒之
不得偏頗有少縣官徵聚物曰興今云軍興是

也是粟縣師徵之旅師斂之而用之以調衣食曰
惠以作事業曰利均其政令者皆以國服為之息

賜○積子
反

凡用粟春頒而秋斂之

困時施之
饒時收之

凡新甿之治皆聽之使無征役以地之媿惡為之等

新甿新徙來者也治謂有所求乞也使無征役復
之也王制曰自諸侯來徙家期不從政以地美惡

為之等七人以上授以上地六口授以中地五口
以下授以下地與舊民同旅師掌斂地稅而又惠

施散利是以屬用
新甿焉○復音福

稍人掌令丘乘之政令

以乘由是改云是為甸。甸讀與維。禹敷之。敷同。其訓曰。溝涂。云。甸者。舉中言之。溝涂之家數存焉。

若有會同師田行役之事。則以縣師之灋。作其同徒。輦輦帥而以至。治其政令。以聽於司馬。

有軍旅會同。田役之戒。縣師受灋於司馬。邦國都鄙。稍甸。郊里。唯司馬所調。以其灋作其衆。庶及馬牛車輦。會其車人之卒伍。使皆備旗鼓兵器。以帥而至。是以書令之耳。其所調若在家邑。小都大都。則稍人。用縣師所受司馬之灋。作之帥之。以致於司馬也。同徒。司馬所調之同。凡用役者。不必一時。皆徧錄。以入數。調之。使勞逸遞焉。○輦居錄。反。調徒。弔。反。遞徒。禮。反。

大喪帥輦車與其役。以至掌其政令。以聽於司徒。

輦車及役。遂人共之。稍人者。野監。是以帥而致之。既夕禮曰。既正。柩賓出。遂匠納車于階間。則天子。

以至于士。極路皆從遂來。

委人掌斂野之賦。斂薪芻。凡疏材木材。凡畜聚之物。

野謂遠郊以外也。所有斂野之賦。謂野之園圃。山澤之賦也。凡疏材草木所有實者也。凡畜聚之物。瓜瓠。

葵芋。禦冬之具也。野之農賦。旅師斂之。工商。嬪婦。遂師以入玉府。其牧則遂師。又以共野牲。○畜。嬪婦。

六反。芋于附反。

以稍聚待賓客。以甸聚待羈旅。

聚。凡畜聚之物也。故書羈。作奇。杜子春云。當為羈。

凡其余聚以待頒賜。

余當為餘。聲之誤也。餘謂縣都畜聚之物也。

以式灋共祭祀之薪。蒸木材。賓客共其芻薪。喪紀共

其薪蒸木材。軍旅共其委積薪芻。凡疏材共野委兵器。與其野囿財用。

式灋。故事之多少也。薪蒸給炊及燎。麤者曰薪。細者曰蒸。木材給張事。委積薪芻者。委積之薪芻也。

軍旅又有疏材以助禾粟。野委謂廬宿止之薪芻也。其兵器謂守衛陳兵之器也。野囿之財用者苑

囿。藩籬之材。○蘿音羅。

凡軍旅之賓客館焉。

館舍也。必舍此者就牛馬之用。

〔土均〕掌平土地之政。以均地守。以均地事。以均地貢。

政讀為征。所平之稅。邦國都鄙也。地守。虞衡之屬。地事。農圃之職。地貢。諸侯之九貢。

以和邦國。都鄙之政。令刑禁。與其施舍禮俗。喪紀祭

祀皆以地嫩惡為輕重之灋而行之掌其禁令

施讀為弛也禮俗邦國都鄙民之所行先王舊禮也君子行禮不求變俗隨其土地厚薄為之制豐

省之節耳禮器曰禮也者合於天時設於地財順於鬼神合於人心理於萬物

掌人掌土化之灋以物地相其宜而為之種

土化之灋化之使美若汜勝之術也以物地占其形色為之種黃白宜以種禾之屬○相息亮反汜

凡音

凡糞種駢剛用牛赤緹用羊墳壤用麋渴澤用鹿鹹

瀉用貍勃壤用狐埴壚用豕彊藥用蕒輕熨用犬

凡所以糞種者皆謂煑取汁也赤緹線色也渴澤故水處也瀉鹵也貍貍也勃壤粉解者埴壚黏疏

者彊藥彊堅者輕熨輕脆者故書駢為挈墳作農杜子春挈讀為駢謂地色赤而土剛強也鄭司農

爽云用牛以牛骨汁漬其種也玄謂墳壤潤之糞種墳壤多

鼠也壤白色黃麻也玄謂墳壤潤之糞種墳壤多

反音眉鴻音昔貍呼丸反墳時力反墟音盧槩呼覽

反粉 是共其書效 稻人掌稼下地

以水澤之地種穀也謂之稼者有似嫁女相生

以豬畜水以防止水以溝蕩水以遂均水以列舍水

以澮寫水以涉揚其芟作田

鄭司農說豬防以春秋傳曰町原防規偃豬以列舍水列者非一道以去水也以涉揚其芟以其水

寫故得行其田中舉其芟鉤也杜子春讀蕩為和蕩謂以溝行水也玄謂偃豬者畜流水之陂也防

豬旁隄也遂田首受水小溝也列田之畦呼也澮田尾去水大溝作猶洽也開遂舍水於列中因涉

珍傲宋版印

之揚去前年所芟之草而治田種稻○列稼計反芟所銜反町徒頂反去起呂反畦劉音圭疇音劣

凡稼澤夏以水殄草而芟蕘之

殄病也絕也鄭司農說芟夷以春秋傳曰芟夷蕘崇之今時謂禾下麥為蕘下麥言芟刈其禾於下

種麥也玄謂將以澤地為稼者必於夏六月之時大雨時行以水病絕草之後生者至秋水涸芟之

明年乃稼○蕘音夷蘊紆粉反

澤草所生種之芒種

鄭司農云澤草之所生其地可種芒種芒種稻麥也○芒種章勇反注同

旱暵共其雩斂

稻人共雩斂稻急水者也鄭司農云雩事所發斂○暵呼且反

喪紀共葦事

喪紀共葦事

葦以闡擴禦濕
之物。○闡音因。

土訓掌道地圖以詔地事。

道說也。說地圖九州形勢山川所宜。告王以施其事也。若云荆揚地宜稻。幽并地宜麻。

道地隱以辨地物。而原其生以詔地求。

地隱若瘴。蠱然也。辨其物者。別其所有。所無。原其生。生有時也。以此二者告王之求也。地所無及物。

未生則不求也。鄭司農云。地隱地所生。惡物害人者。若虺蝮之屬。○虺孚目反。

王巡守則夾王車。

巡守。行視所守也。天子以四海為守。○行下孟反。

誦訓掌道方志以詔觀事。

說四方所識久遠之事。以告王。觀博古所識。若魯有大庭氏之庫。穀之二陵。

掌道方慝以詔辟忌以知地俗。

方慝四方言語所惡也。不避其忌則其方以爲苟於言語也。知地俗博事也。鄭司農云以詔避忌不

違其俗也。曲禮曰君子行禮不求變俗。○辟音避。注同。惡鳥路反。

王巡守則夾王車。

山虞掌山林之政令。物爲之厲而爲之守禁。

物爲之厲。每物有蕃界也。爲之守禁。爲守者設禁令也。守者謂其地之民占伐林木者也。鄭司農云

厲。遮列守之。○爲守者于僞反。

仲冬斬陽木。仲夏斬陰木。

鄭司農云。陽木。春夏生者。陰木。秋冬生者。若松柏之屬。玄謂陽木。生山南者。陰木。生山北者。冬斬陽

夏斬陰。堅濡調。○濡威如充反。又音柔。

凡服耜。斬季材。以時入之。

季。猶穉也。服。與耜。車宜用穉材。尚柔忍也。服。牝服。車之材。

令萬民時斬材。有期日。

時。斬材。斬材之時也。有期。日。入。出。有日數。為久。盡物。

凡邦工入山林而掄材。不禁。

掄。猶擇也。不禁者。山林國之有。不拘日也。

春秋之斬木不入禁。

非冬夏之時。不得入所禁之。中。斬木也。斬。四野之木。可禁之。

凡竊木者有刑罰。

竊。盜也。

若祭山林則爲主而脩除且蹕。

爲主主辨護之也。脩除治道路場壇。

若大田獵則萊山田之野及弊田植虞旗于中致禽而珥焉。

萊除其草萊也。弊田田者止也。植猶樹也。田止樹旗令獲者皆致其禽而校其耳以知獲數也。山虞有旗以其主山得畫熊虎其勿數則短也。鄭司農云珥者取禽左耳以效功也。大司馬職曰獲者取

左耳。○珥如志反。又音耳。

林衡掌巡林麓之禁令而平其守。

平其守者平其地之民守林麓之部分。○麓音鹿。分扶問反。

以時計林麓而賞罰之。

計林麓者計其守之功也。林麓蕃茂民不竊盜則有賞不則罰之。

若斬木林則受灋于山虞而掌其政令。

灋萬民入出時日之期。

川衡掌巡川澤之禁令而平其守以時舍其守犯禁者執而誅罰之。

喪者舍其守者時案視守者於其舍申戒之。

祭祀賓客共川奠。

川奠籩豆之實魚鱸蜃蛤之屬。○奠音電鱸所留反。

澤虞掌國澤之政令為之厲禁使其地之人守其財

物以時入之于玉府頒其餘于萬民。

凡田獵者受令焉。

令謂時與處也。

禁麇卵者與其毒矢射者。

爲其天物且害必多也。麇麋鹿子。○麇音迷。卵力管反。

卯人掌金玉錫石之地而爲之厲禁以守之。

錫，鈔也。○卯，革猛反。又號，鈔猛反。鈔以忍反。

若以時取之，則物其地圖而授之。

物地，占其刑色，知臧淡也。授之，教取者之處。

巡其禁令。

行其禁令。

角人掌以時徵齒角。凡骨物於山澤之農，以當邦賦。

之政令。

山澤出齒角骨物大者犀象其小者麋鹿

以度量受之，以共財用。

骨入漆浣者受之以量其餘以待度所中。○浣戶翫反。度，度上如字。下待洛反。

羽人掌以時徵羽，翮之政。于山澤之農，以當邦賦之

政令。

翮羽本。○翮戶革反。

凡受羽十羽為審，百羽為搏，十搏為縛。

審搏縛，羽數束名也。爾雅曰：一羽謂之箴，十羽謂之搏。百羽謂之縛。其名音相近也。一羽謂之箴，十羽謂之縛。其名音相近也。一羽謂之箴，十羽謂之縛。其名音相近也。

之矣

掌葛掌以時徵絺綌之材于山農。凡葛征徵草貢之材于澤農。以當邦賦之政令。

草貢出澤。藟紵之屬。可緝績者。○藟苦迥反。

以權度受之。

以知輕重長短也。故書受或為授。杜子春云。當為受。

掌染草掌以春秋斂染草之物。

染草。茅蒐。橐蘆。豕首。紫荊之屬。○荊音列。

以權量受之。以待時而頒之。

權量以知輕重多少。時染夏之時。

掌炭掌灰物炭物之徵令以時入之

灰炭皆山澤之農所出也。灰給澣練炭之所共多。

以權量受之以共邦之用凡炭灰之事

掌茶掌以時聚茶以共喪事

共喪事者以著物也。既夕禮曰茵著用茶。

徵野疏材之物以待邦事凡畜聚之物

茶茅莠疏材之類也。因使掌焉。徵者徵於山澤入於委人。○畜勅六反。

掌蜃掌斂互物蜃物以共闡墻之蜃

互物蚌蛤之屬闡猶塞也。將井榘先塞下以蜃禦濕也。鄭司農說以春秋傳曰始用蜃炭言僭天子

也。蒲項反。

祭祀共蜃器之蜃。

用以飲。吳否。以醑。饗。用。以。飲。辛。之。

飾祭器之屬也。絕人職曰。凡四方山川用蜃器。春

秋定十四年。秋天。天王使石尚來歸蜃。蜃之器。以蜃

飾。因名焉。鄭司農云。蜃。可以白器。令色白。

共白盛之蜃。

也。今東萊用蛤。謂之。白之蜃。

盛猶成也。謂飾牆使白之蜃也。今東萊用蛤。謂之。白之蜃。

園人掌園游之獸禁。

禁。事。亦。成。之。設。詔。王。殺。邦。用。

園游。園之離宮。小苑。觀處也。養獸以宴樂。視之。禁者。其蕃衛也。鄭司農云。園游之獸。游牧之獸。○觀

古亂反。樂音洛。

牧百獸。

備養衆物也。今按庭有鳥獸。自熊虎孔雀。至於狐狸鳧鶴。備焉。

備養衆物也。今按庭有鳥獸。自熊虎孔雀。至於狐狸鳧鶴。備焉。

祭祀喪紀賓客共其生獸死獸之物。

場人掌國之場圃而樹之果蓏珍異之物以時斂而

藏之。

果棗李之屬。蓏瓜瓠之屬。珍異蒲萄。枇杷之屬。○枇杷蒲梨反。杷白加反。

凡祭祀賓客共其果蓏享亦如之。

享納牲。

廩人掌九穀之數以待國之匪頒。調賜稍食。

匪讀為分。分頒謂委人之職。諸委積也。調賜謂王所賜予給好用之式也。稍食祿廩。○食音嗣。注同。

好呼報反。

以歲之上下數邦用以知足否以詔穀用以治年之

凶豐。

數猶計也。○
上時掌反。

凡萬民之食。食者人四鬴。上也。人三鬴。中也。人二鬴。下也。

凡也。此皆謂一月食米也。六斗四升曰鬴。

若食不能人二鬴。則令邦移民就穀。詔王殺邦用。

就穀就都鄙之有者殺。猶減也。○殺所界反。

凡邦有會同師役之事。則治其糧與其食。

行道曰糧。謂糒也。止居曰食。謂米也。○糒音備。

大祭祀。則共其接盛。

大之接讀為一扱再祭之扱扱以授春人春之。大祭祀

初洽

舍人掌平宮中之政分其財守以灋掌其出入。

政謂用穀之政也分其財守者計其用穀之數分送宮正內宰使守而頒之也而米出於廩人其有

空缺則計之還入

凡祭祀共簠簋實之陳之。

方曰簠圓曰簋盛黍稷稻粱器

賓客亦如之共其禮車米筮米芻禾

禮致饗饋之禮

喪紀共飯米熬穀。

飯所以實口。不忍虛也。君用梁，大夫用稷，士用粱。皆四升實者。唯盈熬穀者，錯于棺旁，所以惑蚍蜉。

也。喪大記曰：熬，君四種，八筐，大夫三種，六筐，士二種，四筐。加魚腊焉。○飯扶晚反，錯七故反，蚍鼻夷。

反蚍音孛，章勇反，下同。

以歲時縣種。種之種，以共王后之春獻種。

縣之者，欲其風氣燥達也。鄭司農云：春，王當耕于藉，則后獻其種也。后獻其種，見內宰職。○縣音玄。

種，音直，龍反，下音六。

掌米粟之出入，辨其物。

九穀六米，別為書。

歲終則會計其政。

政用穀之多少。

倉人掌粟入之藏。

九穀盡藏焉。以粟為主。

辨九穀之物以待邦用。若穀不足則止餘灋用。有餘則藏之。以待凶而頒之。

止猶殺也。殺餘灋用。謂道路之委積。所以豐優賓客之屬。

凡國之大事。共道路之穀。積食飲之具。

大專謂喪戎。

司祿

闕

司稼掌巡邦野之稼。而辨種稂之種。周知其名。與其

所宜地。以為灋。而縣于邑閭。

周猶徧也。徧知種所宜之地。縣以示民。後年種穀用爲灋也。○種章勇反。

巡野觀稼以年之上下出斂灋。

斂灋者豐年從正凶荒則損若今十傷二三實除減半。

掌均萬民之食而調其急而平其興。

均謂度其多少調稟其艱阨與所徵賦。

春人掌共米物。

米物言非一米。

祭祀共其盥盛之米。

盥盛謂黍稷稻粱之屬可盛以爲簠簋實。

賓客共其牢禮之米。

實謂可以
筐筥

凡饗食共其食米。

饗有食米則饗
禮兼燕與食

掌凡米事。

饌人掌凡祭祀共盛。

炊而
共之

共王及后之六食。

六食六
穀之飯

凡賓客共其簠簋之實。

謂致
餼饗

饗食亦如之。

橐人掌共外內朝宀食者之食。

外朝之司寇斷獄弊訟之朝也。今司徒府中有百官朝會之殿云。天子與丞相舊決大事焉。是外朝之存者。與內朝路門外之朝也。宀食者謂留治文書。若今尚書之屬。諸直上者。

若饗耆老。孤子。士庶子。共其食。

士庶子。卿大夫士之子弟。宿衛王宮者。

掌豢祭祀之犬。

養犬豕曰豢。不於鯪人言其共至尊。雖其潘瀾。戔餘不可褻也。

周禮卷十六

至象其其... 養大天... 不... 人... 言... 是...

畢恭祭所之六

子... 經... 禮... 大... 夫... 七... 文...

若饗春法庶于士庶子共其食

補... 文... 禮... 尚... 書... 文... 禮... 山... 京... 文... 禮... 禮...

及... 禮... 文... 禮... 云... 天... 于... 與... 志... 味... 書... 與... 大... 事... 課... 長... 於... 禮... 文...

樂人掌其於內陳京食者之食

饗食亦成之

周禮卷十七

漢大司農北海鄭玄註

明後學東吳金蟠訂

春官宗伯第三

惟王建國辨方正位。體國經野。設官分職。以為民極。乃立春官宗伯。使帥其屬而掌邦禮。以佐王和邦國。

禮謂曲禮五吉凶賓軍嘉其別三十有六。鄭司農云宗伯主禮之官。故書堯典曰帝曰咨四岳有能

又主鬼神。故國語曰夷帝曰俞咨伯。汝作秩宗。宗官

儀牲之物。玉帛之類。采服之宜。彝器之量。次主之度。屏攝之位。壇場之所。上下之宜。神祇氏姓之所出。

而率舊典者為之宗。春秋補于大廟。躋僖公而傳曰。夏父弗忌為宗人。又曰。使宗人釁夏獻其禮。禮

特牲曰宗人升自西階。視壺濯及豆籩。然則唐虞歷三代以宗官典國之禮。與其祭祀。漢之大常是

也。○大廟音泰。釁虛覲反。

禮官之屬。大宗伯一人。小宗伯一人。中大夫二人。肆師下大夫四人。上士八人。中士十有六人。旅下士三十有二人。府六人。史十有二人。胥十有二人。徒百有二十人。

肆猶陳也。肆師佐宗伯陳列祭祀之位。及牲器粢盛。

鬱人下士二人。府二人。史一人。徒八人。

鬱鬱金香草。宜以和鬯。

鬯人下士二人。府一人。史一人。徒八人。

鬯釀秬為酒芬香條暢於上下也。秬如黑黍。一稔二米。○秬其許反。稔音孚。

雞人下士一人。史一人。徒四人。

司尊彝下士二人。府四人。史二人。胥二人。徒二十人。

彝亦尊也。鬱鬯曰彝。彝灋也。言為尊之灋也。

司几筵下士二人。府二人。史一人。徒八人。

筵亦席也。鋪陳曰筵。籍之曰席。然其言之筵席通矣。

天府上士一人。中士二人。府四人。史二人。胥二人。徒

二十人。

此府物所藏。言天者尊。此所藏若天物然。

典瑞中士二人。府二人。史二人。胥一人。徒十人。

瑞節信也。典瑞若今符璽郎。

典命中士二人。府二人。史二人。胥一人。徒十人。

命謂王遷秩羣臣之書。

司服中士二人。府二人。史一人。胥一人。徒十人。

典祀中士二人。下士四人。府二人。史二人。胥四人。徒

四十人。

守祧奄八人。女祧每廟二人。奚四人。

遠廟曰祧。周為文王武王廟。遷主藏焉。奄如今之宦者。女祧女奴。有才知者。天子七廟。三昭三穆。奚。

女奴也。○為于偽反。知音智。

世婦每宮卿二人。下大夫四人。中士八人。女府二人。

女史二人。奚十有六人。

世婦后宮官也。王后六宮。漢始大長秋詹事。中少府大僕亦用士八人。女府女史女奴有才智者。○

少詩照反

內宗凡內女之有爵者。

內女。王同姓之女。謂之內宗。有爵其嫁於太夫及士者。凡無常數之言。

外宗凡外女之有爵者。

外女。王諸姑姊妹之女。謂之外宗。

家人。下大夫二人。中士四人。府二人。史四人。胥十有

二人。徒百有二十人。

冢封上為邱壠。象冢而為之。

墓大夫。下大夫二人。中士八人。府二人。史四人。胥二十人。徒二百人。

墓冢塋之地。孝子所思慕之處。○塋音營。

職喪。上士二人。中士四人。下士八人。府二人。史四人。胥四人。徒四十人。

職主也。

大司樂。中大夫二人。樂師。下大夫四人。上士八人。下士十有六人。府四人。史八人。胥八人。徒八十人。

大司樂樂官之長。○長丁丈反。後皆放此。

大胥。中士四人。小胥。下士八人。府二人。史四人。徒四

十人。下士二人。保一人。史一人。樂者十有六人。共四

胥有才知之稱。禮記文王世子曰。小樂正學于大胥佐之。

〔大師〕下大夫二人。〔小師〕上士四人。〔瞽矇〕上瞽四十人。

中瞽百人。下瞽百有六十人。〔眡瞭〕三百人。府四人。史

八人。胥十有二人。徒百有二十人。

凡樂之歌必使瞽矇為焉。命其賢知者以為大師。小師。晉杜蒯云。曠也。大師也。眡讀為虎。眡之眡。瞭。

目明者。鄭司農云。無目。朕謂之瞽。有目。朕而無見。謂之矇。有目無眸。子謂之眡。眡音視。

〔典同〕中士二人。府一人。史一人。胥二人。徒二十人。

同。陰律也。不以陽律名官者。因其先言耳。書曰。協時月正日。同律度量衡。大師職曰。執同律以聽軍

聲。

磬師中士四人下士八人府四人史二人胥四人徒

四十人

鐘師中士四人下士八人府二人史二人胥六人徒

六十人

笙師中士二人下士四人府二人史二人胥一人徒

十人

鑄師中士二人下士四人府二人史二人胥二人徒

二十人

○鑄如鐘而大
鑄音博

鞀師下士二人府一人史一人舞者十有六人徒四

十人。音六人。孫二人。史二人。胥四人。封四十八。

鄭司農說以明堂位曰。鞀東夷之樂。讀如味。飲食之味。杜子春讀鞀為蒨。蒨著之蒨。玄謂讀如鞀。幹

之鞀。直基反。著直居反。蒨莫戒反。又音味。蒨直基反。著直居反。幹古洽反。

旄人。下士四人。舞者衆寡無數。府二人。史二人。胥二

人。徒二十人。

旄旄牛尾舞者所持以指麾

籥師。中士四人。府二人。史二人。胥二人。徒二十人。

籥舞者所吹。春秋宣八年壬午。猶繹萬入去籥。傳曰。去其有聲者。廢其無聲者。詩云。左手執籥。右手

秉翟。○去起呂反。

籥章。中士二人。下士四人。府一人。史一人。胥二人。徒

二十人
士
不入
士
四人
旅
一人
史
一人
胥
二人
徒
二十人

籥章吹籥以爲詩章

鞀 鞀氏 下士四人 府一人 史一人 胥二人 徒二十人

鞀讀如履也。鞀屨四夷舞者所屣也。今時倡蹋鼓沓行者自有屣。○鞀丁兮反。鞀九具反。蹋徒臘反。

典庸器 下士四人 府四人 史二人 胥八人 徒八十人

庸功也。鄭司農云：庸器有功者。鑄器銘其功。春秋傳曰：以所得於齊之兵作林鍾而銘魯功焉。

司干 下士二人 府二人 史二人 徒二十人

干舞者所持謂楯也。春秋傳曰：萬者何干舞也。○楯食允反。

大卜 下大夫二人 卜師 上士四人 卜人 中士八人 下

士十有六人 府二人 史二人 胥四人 徒四十人

問龜曰卜大卜
卜筮官之長

龜人 中士二人 府二人 史二人 工四人 胥四人 徒四

十人

工取龜
攻龜

華氏 下士二人 史一人 徒八人

煇煇用荆華之類
反煇哉灼反煇音俊
時

占人 下士八人 府一人 史二人 徒八人

占著龜之
卦兆吉凶

籒人 中士二人 府一人 史二人 徒四人

問著曰筮
其占易

占夢中士二人史二人徒四人

眠禳中士二人史二人徒四人

侵陰陽氣相侵漸成祥者魯史梓慎云吾見赤黑之禳○禳子鳩反

大祝下大夫二人上士四人小祝中士八人下士十

有六人府二人史四人胥四人徒四十人

大祝祝官之長

喪祝上士二人中士四人下士八人府二人史二人

胥四人徒四十人

甸祝下士二人府一人史一人徒四人

甸之言田也田狩之祝○甸音電

詛祝下士二人。府一人。史一人。徒四人。

詛謂祝之使沮敗也。○
詛側慮反。祝之又反。

司巫中士二人。府一人。史一人。胥一人。徒十人。

司巫巫
官之長

男巫無數。女巫無數。其師中士四人。府二人。史四人。

胥四人。徒四十人。

巫能制神之
處位次主者

大史下大夫二人。上士四人。小史中士八人。下士十

有六人。府四人。史八人。胥四人。徒四十人。

大史大
官之長

馮相氏中士二人下士四人府二人史四人徒八人

馮乘也相視也世登高臺以視天文之次序天文屬大史月令曰乃命大史守典奉法司天日月星辰

辰之行宿離不貸。馮音憑相息亮反。

保章氏中士二人下士四人府二人史四人徒八人

保守也世守天文之變

內史中大夫一人下大夫二人上士四人中士八人

下士十有六人府四人史八人胥四人徒四十人

外史上士四人中士八人下士十有六人胥二人徒

二十人

御史中士八人下士十有六人其史百有二十人府

四人胥四人徒四十人

御猶侍也進也其史百有二十人以掌贊書人多也

巾車下大夫二人上士四人中士八人下士十有六人府四人史八人工百人胥五人徒五十人

巾猶衣也巾車車官之長○衣於旣反

典路中士二人下士四人府二人史二人胥二人徒

二十人

路王之所乘車

車僕中士二人下士四人府二人史二人胥二人徒

二十人

司常中士二人下士四人府二人史二人胥四人徒
四十人

司常主
王旌旗

都宗人上士二人中士四人府二人史四人胥四人

徒四十人

都謂王子弟所封
及公卿所食邑

家宗人如都宗人之數

家謂大夫
所食采邑

凡以神士者無數以其藝為之貴賤之等

四以神士者男巫之俊有學問才知者藝謂禮樂射
御書數高者為上士次之為中士又次之為下士